

# تاریخ عثمانی انجمنی

۱ کانون اول  
۱۳۳۱

بشنجی سنه  
نومرو ۳۵

مجموعہ سی

---

## مرعش والبستانده ذوالقدر [ دولنادر ] اوغللری حکومتی

( ۳۴ نجی نسخه دن مابعد )

ابراهیم پاشا بو بادره مؤلمه بی ایشمسيله برابر معیتده بولنان و مقدری آنجق بش آتی بیک نفره بالغ اوله بیلان عسکرله منهی حرکت اوله طورسون او صره ده ( زاده البله فی الطین ) قیلندن اوله رق قلندرک درنکنه بر کتله عظیمه مایوسین ده ا انضمام ایلدی ، شوبله که شهسوار اوغلی علی بکک اعدامنی متعاقب دولنادرلی اولکاسی طوغریدن طوغری به تحت اداره به آتدینی هنکامده یرلیدن برچوق آدملرک دیرلکی چالیش ، یعنی دولنادر اوغللری زمانده متصرف اولدقلری تیمارلر الیرندن آلمش ایدی . حالسوکه روح بشریته تأثیرده قطع ارزاق قطع اعناقندن اشد اولدیفندن بونلر آچلق یوزندن هر نفسالی کوزه آلدیرمشلر ایدی که قلندرک ظهورینی کنیدیلرنجه دخی بر لطف مضوی صورتنده تلقی و همان آکا التحاق ایلدیلر . قلندر ایشه ایشو عونته جدیده نك ظهور و التحاقندن معنا و ماده نشته یاب قوت اوله رق باشنده کی جمعیت عظیمه ایله برکرباد فساد شکل وشدتنده اوله رق دونه طولاشه البستانه طوغری ایبرولبور ایدی . ابراهیم پاشا بالنسبه پک آز اولان قوه عسکریه سبيله آرقه لرینی بر اقیبور ایدیه ده جمعیت اشقیاده کی کثرتی یقیندن کوردیکندن وائشای مخصمه ده آنخا حسن تدبیر، اعدا ایچون اکثریا سلاحدن ده ا مؤثر بر واسطه تدبیر اولدیفندن معنی ارکانسيله بو بایده مذاکره به باشلادی . نتیجه مذاکره ده محدودیت فکر و نظر جهتيله ایشک صوکنی دوشونه میان کروه اشقیا حال حاضرده و ده ا طوغریسی ظاهرده کنیدیلرینی غالب و عدداً دخی فائق بیلدکلرندن دولایی کی آزی به آله رق عسا کر پادشاهی به عقورانه صالدرملری

قطعیاً ملحوظ اوله رق بویله تهلکلی برصواشه کیرشمکدن ایسه تدایر حسنه اتخاذیه جمعیت اشقیانک تقریقی یکانه مدار موفقیت اولمق اوزره دوشونیلدی . بوده اللرنده کی نانیاره دن محرومیت الجاسیله مایوساً قلندره التحاق ایدن دولفادرلی خلقنک تیمارلرینک اصحابنه اعاده سیله قابل اوله جفندن مذکور تیمارلرک اعاده سنه قرار ویرلمش و قرار واقع کال مهارته ال آلتندن دولفادرلی بوی بکلرینه و آنلر میاننده کی بشانلو و قره جه لو بکلرینه تبلیغ ایدلدیکندن دولفادرلیلر درحال قلندردن آریلیویوردی . بنسأ علیه قلندرك جمعیتی دوچار ضعف اولدیفندن ابراهیم پاشا بالذات حرکتیه بیله لزوم کورمکمزین معیتده کی درگاه عالی چاشنیکرلرندن بلالی محمد اغا ودلی پروانه نام ایکی مردشجیع قومانداسیله کوندردیکی برقاج بیک سواری البستانک (باش ساز) یا بلاسنده جمعیت اشقیایه ملاقی اوله رق ایلك هجومد قلندرك و آنک هوادارلرندن اولان دولفادرلی بکزاده لرندن دلی (دوندار) بک نام دربدرك باشلری کسلوب جمعیتلری بریشان ایدلدی [۱] .

ینه بو بیل شهزادگانک اجرای امر ختائلی ایچون درسعادتده آت میدانی سورگاه اتخاذ بیوربله رق بومیدانک بر موقع ممتازنده قوریلان اوتاغ هایون صدرنده موضوع تخت عالیده قانونی سلطان سلیمان خان مربع نشین احتشام ایدی . تخت عالیسنک صاغ طرفنده شیخ الاسلام کال پاشا زاده شمس الدین احمد افندی و آناتولی قاضیسکری مولانا قادری افندی وصول طرفنده خواجه شهریار مولانا خیرالدین افندی ایله روم ایلی قاضیسکری فناری زاده محی الدین افندی و تخت عالی قارشیسنده کی صفه نك بر جانبنده هیئت وکلا ایله صدارت موزوللری اوطورمشلر و بر دیگر جانبنده آق قیونلی فرخشاد بک ، بایندر اوغلی مراد بک ، سلطان غوری زاده محمد بک ، دولفادر اوغلی لطیف بک [۱] بودوندار بکک دولفادرلی بکلرندن قنفسنک اوغلی اولدینی نظر تاریخده مچبولدر .

مسند نشین افتخار اولشاردی [۱].

۹۴۱ سنہ سندہ سلطان سلیمان خان قانونی تبریزی فتح ایستدیکندن نزد ایرانیانہ ملتجی اولان محمدوعلی بکدر پادشاه مشارالیہ حضرتتربنہ سلطانیہ شہرندہ دخالت ایلدیلر . ترک عرق نجینک اوز اوغللری اولان بونلرک دخالت واقعه سی نزد پادشاهیدہ موجب محظوظیت اولهرق محمد بکہ یوز بیک اچہ تقد و ایکی خفتان و بش دلبد و بر مجوزہ [۲] ایله ارضروم ، علی بکہ بکرمی بیک اچہ و بر جائمہ [۳] ایکی دلبد و بر مجوزہ ایله جشکزک سنجاقلری توجیه بیورلدی [۴] . علی بکہ بعدہ پاسبین و خرپوت سنجاقلری دہ علاوہ ایلدی . کیدہ وک قارص بکدر بکیلیکی دہ عہدہ درایتہ تفویض اولنش ایسہدہ ایرانیلرک بر باصقینیلہ منہزم اولهرق آز مدت صکرہ پاسبیندہ وفات ایلدی . محمد بک ارضروم دہ اجرای حکومت ایتمکدہ ایکن شاه طہماسبک آنی ایران طرفہ جلب اتمک تشبثدہ بولندینی محسوس اولغلہ مأموریتی روم ایلی یقہ سنہ تحویل و آرہلق وجہلہ عہدہ سنہ نیکیولی و کوستندیل سنجاقلری توجیه اولندی . محمد بک شو ایکی سنجاقل عہدہ سنہ اولدینی حالہ قزائلق قصبہ سنہ [۵] مدت مدیدہ اقامت ایدوب برچوق آثار خیریه ایله تزین ایلدیکی قصبہ مذکورہ دہ ۹۷۷ تاریخندہ وفات

[۱] بولطیف بک دخی هويت صحیحہ سی آکلاشیلہ مدی . زیرا بوقرہ سوری یازان صولاتزادہ تاریخندہ بوندن فضلہ بر معلومات کوریلہ مہ مشدرہ .

[۲] (مجوزہ) اسکی زماندہ قولانیلان رسمی آلائی قاروغی .

[۳] (جائمہ) وقتیلہ اسکداردہ و بیلہ جک دہ نسج و اعمال اولتان متین و طریف اییکلی ترک قطیفہ سی .

[۴] آنلرلہ برابر بر بک دہا کلدرک نائل التفات و تشریفات اولدینی تبریزہ عائد منازلنامہ سلیمانیدہ محرر ایسہدہ اسمی ذکر اولندیفندن بالطبع هویتی بیلتہ مدی .

[۵] قزائلق اولوب شدی بلغارستاندہ واقع بر قصبہ کل یاغی چیقارمقلہ مشهوردرہ .

ایلدیکندن عهدہ سندن انحلال ایدن سنجاقلر اوغلی ( قره خان بك ) ویرلدی . قره خان بکدن صکره اوغلی ( علاءالدین ) بك دخی متصرف اولمش ایدی .

سلطان سلیمان قانونی نك شهزاده لرندن اولوب بیوك برادری شهزاده سلطان سلیم ایله آره لرندہ وقوعه کلن بر محاسده عادیه نتیجه سی اوله رق سوق انفعال ایله ایران شاهی طهماسب شاه نزدیکه صاوشمش اولان شهزاده سلطان بایزیدك ۹۶۹ تاریخندہ اوغرادینی فلاکت معلومه اوزرینه شهزاده نك خواص بندکافی برر صورته دوچار قهر و غدر ایدلدیکی صروده بونلردن و اساساً فلک کوسکونلرندن دولغادرلی احمد بك طهماسب شاهك مظهر عفوی اوله رق ایرانده کی دولغادرلی اویمانغی ایچنه کوندرلدی [۱] .

۱۱۶۵ سنه سنده کلیس مالکانه سی عهدہ سنه توجیه بیوریلان رشوان زاده سلیمان پاشایه وکاله دولغادر اوغلی محمود بك کلیس ویووده لغنه کوندرلیدسه ده اوچ آی صکره انفصال ایله مرعشه عودت ایلدی .

۱۲۱۰ سنه سنده عینتابده امیرلر یعنی سیدلر ایله یکیکچریلر میانه سنده وقوعه کلان مقاتله شدیددن دولایی عینتابک آسایش و انتظامنه خلل کلدیکندن عینتابجه حال سابقک اعاده سنه مرعش بکلر بکیسی دولغادر اوغلی عمر پاشا مأمور اوله رق عینتابه کیدر ایکن عینتابه بازارجق آراسنده کی ( قره بیقلی ) دربندنده قیلچلی عشرتندن بر شقینک آتدینی قورشوتله شهید اولدی ، نعشی مرعشه کتیریلوب بك جامعی مزارلغنه دفن اولندی . آغزردن آغزده طولاشوب کلان و مرعشده ایشیدیلان بر حکایه به کوره اول وقت عمر باشانک قاتلی آرانمیه رق قانی هدر اولمش ایمش ، غریب شی .

صوکره لری مرعشده یتیشن دولغادر اوغللرندن مصطفی بك زاده [ ۱ ] ایرانک آذربایجان قطعه سنده ذوالقدرلی نامیله بیوك برترکان عشیرتی واردر .

ابراہیم بک ایچہ شہرت قزاقش ایسہدہ حلب والیسی جبار زادہ محمد جلال الدین پاشانک دوچار معاملہ جبارانہسی اولہرقی ۱۲۳۰ سنہ سندہ عینتایدہ اعدام ایدلمشدر .

ابراہیم بکک مخدومی حاجی خلیل بک دولقادرلی اوقافی تولیتنی دروعہدہ ومرعشدہ عقل درایتیلہ و اوقافہ اولان حسن خدمتیلہ اشتہار ایدہرک اساساً بک قیصہ اولان اولو جامنک منارہسنی برشکل موزونده ۱۲۶۴ تاریخندہ ترفیماً انشایہ موفق اولمشدر . وفاتی ۱۲۶۸ سنہ سندہ در . وزرادن مرعشلی بایزید زادہ مرحوم سلیمان پاشانک زوجہسی ومنشی شہر رحمتلی کنمان بکک والدہسی شریفہ خانم خلیل بکک ( بی بی [۱] ) سی ایدی . بو خلیل بکدن صکرہ دولقادرلی اوجاغندہ بللی باشلی آدم یتشمہ مشدر .

### دولقادرلی اولکاسی

علامہ الدولہ بکک زمان اقبالندہ یعنی دولقادرلی حکومتک دورکالندہ دولقادرلی اولکاسی آشاغیدہ صاییلان یرلردن متشکل ایدی :

مرعش ، البستان ، کوسون ، اندرین ، ظمانی ، قیصریہ ، قیرشہری ، آقرہ ، بوز اوق ( یوزغاد جہتی ) ، دارندہ ، خرپوت ، ملاطیہ ، بہنی ، حصنصور ، کاختہ ، کرکر ، دیاربکر ، اورفہ ، چرمیک ، قلعة الروم ، عینتاب ، بازارجق ، ہارنی ( یعنی ہارونیہ - باغچہ ) ، کوندزلی [۲] ( شمدیکی خاصہ قضاسیلہ بیلانہ تابع خوشلی ناحیہسی ) ، عمیق اووہسی ، آنطاکیہ ، طرابلس شام ، سیس ، قارص ذوالقدریہ ، عنزیر ( پیاس ) ، آیاس .

دولقادر رمضان اوغللری اولکلرینک حدودی جیحان نہرینک

[۱] ( بی بی ) ترکیبہدہ عمہ معناسنہ در . عمہ مقامندہ ( خالہ ) کلہسنک

استمالی غلط فاشدر .

[۲] کوندزلی وقتیلہ مشہور برقبہ ایدی . شمدی بیلان قضاسی داخلندہ

ورق ایکی ساعت جہت شہالیہ سندہ وجیل برکت اتکندہ خرابہسی موجوددر .

منصبندن باشلايه رق نهراً يوقارى چيقدقدن سوكره مسيبك آزايلريسنده  
 نهري ترك ايله برآ صوله يعنى سبسه طوغرى بر زاويه ياهرق وقارص  
 ذوالقدره ايله سبسي بوزاويه نك ايچنه آلهرق اندرين جهته كيدر واورادن  
 طاوروس سلسلهسى شعباتندن ولى طاغتك صيرتجه نيكده سمنته قدر  
 اوزار ايدى .

وسعت ملكيه سنه نظراً دولنادرلى اولكاسنك اولوقتكى نفوسى تخميناً  
 بر مليون ايكي بوز بيك راده سنده ايدى .

### سرای

دولنادرلى اوغللرينك مرعشده كى سرايى قبوجق والاي بيكى وشكرلى  
 محله لرينك اوكنده وغرب جهتنه ناظر برتپده وشمدى سراي آلتى جامى  
 دنيلن جامع شريفك اوست باشنده ايدى . بوسرايك درجه جماعتى مجهول اولمقله  
 برابر صنعت ومثانت مسماربه جهتيله ده ابنيه عاليه دن معدود اولمدينى واوزمانه  
 كوره بسيط برحاله ياپلدينى بوكون تملدن بيله اثر قالماش اولمسندن  
 آكلاشيليور . سرايك عرسهسى اليوم محله حالنده در . بر سرايلرى ده  
 البستانده وار ايدى .

عارفى

مابعدى وار